

147

CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
SEP 15 1933

T9297.1100 B



玉海卷第一百八十九

浚儀王應麟伯厚甫

兵捷

兵捷 露布

魏晉宋齊梁陳為尚書五兵元魏為七兵隋唐方  
有兵部龍朔改司戎光宅改夏官天寶十一載改

武部 通典後魏攻戰克捷欲天下聞知乃書帛

廷於漆竿上名為露布自此始也

布司徒露布注不掛也軍書若今之露布也

文上章注露布注不掛也軍書若今之露布也

哈佛大學漢和  
圖書館珍藏印

傳馬前作露布後魏或城王魏文帝開皇中

詔牛弘撰宣露布禮元年平陳元帥晉王以駟上

露布兵部奏請依新禮集百官四方客使等並赴

廣陽門外內史令宣訖蹈舞者三又拜而罷隋志

露布十二卷雜檄文十七卷唐每平寇宣露布其日

守官量設羣官次露布至兵部侍郎奉以奏聞集

羣官東朝堂中書令宣布

### 漢票騎將軍破渾邪王

霍去病傳元狩二年春三月肱為票騎將軍將萬騎出

隴正有功上曰票騎將軍率我士險烏盤討遼濮涉

本奴履五王國幾獲單于于轉戰六日過焉支山不

有餘軍合短兵塵臯蘭下殺折蘭王斬盧侯王銳悍

者誅全甲獲醜執渾邪王子及相國都尉獲首虜八

千九百六十級收休屠祭天金人師率減什七益封

去病二千二百戶其夏與合騎侯敖俱出北地去病

至祁連山捕首虜甚多上曰票騎將軍涉鈞者濟居

延遂藥小月氏攻祁連山揚武乎鯨得得單于單巨

首宗王及相國都尉以衆降下者二千五百人捷首虜

二千二百獲五王王母閼氏王子五十九人相國將

首戶都尉六十三人師大率減什三益封去病五

千二百戶

四百戶去病出塞去病餘里過去病延新首去病三去病

漢大將軍圍單于至闐顏山

元狩四年夏大將軍衛青將四將軍出定襄將  
軍去病出代各將五萬騎步軍踵軍後數十萬人青  
至幕北圍單于去病與左將軍斬首萬九千級至闐顏山  
乃還去病與左將軍霍去病傳上與  
諸將議曰翕侯趙信為單于畫計常以為漢兵不能  
度幕輕留今大發卒其勢必得所欲是歲元狩四年  
也春上令大將軍青票騎將軍去病各五萬騎令去

病出代郡令青出定襄郎中人李廣為前將軍太僕  
公孫賀為左將軍主爵趙食其為右將軍平陽侯襄  
為後將軍皆屬大將軍趙信為單于謀曰漢兵即度  
幕人馬罷匈奴可坐收虜耳迺悉遠北其輜重皆以  
精兵待幕北而適直青軍出塞千餘里見單于兵陳  
而待匈奴亦從萬騎會日入大風起沙磧響而兩軍  
不相見漢益縱左右翼繞單于單于視漢兵多戰而  
不利薄莫單于遂乘六羸壯騎數百直冒漢圍  
馳去漢軍因發輕騎夜追之青隨其後匈奴兵

走會明行二百餘里不得單于。頗捕斬首虜萬  
遂至實顏山。趙信城前匈奴積粟食軍。軍留一  
還悉燒其城。餘粟以歸。凡斬首虜萬九千級。是  
匈奴失單于十餘日。擊匈奴出匈奴傳是後  
遠遁而幕。無王庭。單于用趙信計遣使好辭  
親

漢伏波將軍平南粵

南粵 王傳興嗣立。嬰子元鼎四年。漢使諭王入朝。興  
上書 願比內諸侯。三歲一朝。除邊關許之。賜丞相呂  
嘉銀 印。王欲入朝。嘉諫不聽。陰謀作亂。天子遣韓千

秋將二千人入粵境。嘉乃反。殺太后。王漢使者立建  
德為王。以兵擊千秋等。滅之。函封漢使節。至塞上。設  
辭謝罪。發兵守要害。天子令粵人及江淮以南樓船  
十萬師往討。元鼎五年秋。衛尉路博德為伏波將軍。  
出桂陽。下湟水。王爵都尉楊僕為樓船將軍。出豫章。  
下橫浦。故歸義。粵侯二人為戈船。下瀨。將軍出零陵。  
下灘水。抵蒼梧。馳義侯。因巴蜀罪人。發夜郎兵。下牂  
柯江。咸會番禺。六年冬。樓船將精卒先陷尋陘。破石  
門。得粵舡粟。因推而前。控粵鋒。以粵數萬人待伏波。  
代 又道遠。後期。與樓舡會。乃有千餘人。遂俱進。樓舡

左前至番禺建德嘉城守曾暮樓船攻敗粵人縱火  
 燒城伏波遣使招降者賜印綬復縱令相招遲旦城  
 中皆降伏波嘉建德夜與其屬數百人亡入海伏波  
 問降者知所之遣人追故其校司馬蘇弘得建德為海  
 常為臨粵郎都稽得嘉為蔡侯蒼梧王趙光降為隨粵桂林  
 監居翁諭告甌駱四十餘萬口降為湘粵平以為九  
 郡自尉佗王凡五世九十三歲而亡  
 紀元鼎六年  
 冬幸緱氏至左邑桐鄉聞南粵破改聞喜縣春至汲  
 新中鄉得呂嘉首呂為獲嘉縣遂定越地  
 天官書  
 越之亡熒惑守斗

漢中郎將平西南夷

武紀元鼎六年春馳義侯遺兵未及下上令征西南

夷平之定西南夷呂為武都牂柯越雋沈黎文山郡

西夷甲都滇南夷夜郎大事紀曰日本紀所書誤且蘭所殺使者即馳義侯元封二年秋

遣將軍郭昌中郎將衛廣發巴蜀兵平西南夷未服

者為益州郡傳南粵及上使馳義侯因捷為發南

夷兵且蘭君恐遠行旁國虜其老弱乃與其眾反殺

吏者及捷為太守漢乃發巴蜀罪人當擊南越者八

校尉擊之會粵已破漢八校尉不下中郎將郭昌衛

校尉擊之會粵已破漢八校尉不下中郎將郭昌衛

為非柯郡夜郎侯多同始何南粵粵已滅遂入朝邛  
君并殺苻侯冉駹皆震恐請臣置吏以邛都為粵雋  
荏都為沈黎冉駹為文山廣漢西白馬為武都郡使  
王然于風論滇王入朝滇舉國降請置吏入朝以為  
益州郡滇莊  
躡後

漢橫海將軍平東越

通監元鼎六年秋東越王餘善反遣橫海韓說出句  
章浮海從東方往樓船楊僕出武林中尉王溫舒出  
梅嶺越侯為戈船下瀨將軍出若邪漢書作  
如邪白沙  
閩粵王傳漢五年立無諸為閩越王王閩中無諸姓  
騶氏初

帥粵人佐漢擊項建元六年餘善殺王郢自立因立為東粵

王至元鼎五年南粵反餘善請以卒八千從樓船擊

呂嘉等兵至揭陽以海風波為解持兩端陰使南粵

及漢破番禺樓船將軍僕上書請誅之明年秋餘善

發兵距漢道號將軍騶力等為吞漢將軍入白砂武

林梅領殺漢三校尉刻武帝璽自立上遣韓說等擊

之元封元年冬咸入東粵樓船軍卒棧終古斬狗北

軍故粵衍侯吳陽以其邑七百人反攻粵軍於漢

陽及故粵建成侯敖與繇王居股謀俱殺餘善以其

於平橫海軍詔遷其民江淮遂虛其地

漢將軍平西羌

武紀元鼎六年冬十月發隴西天水安定騎士及中  
尉河南河內卒十萬人遣將軍李息郎中令徐自為  
征西羌平之。後傳先零羌與匈奴通合兵十餘萬  
攻令居圍枹罕息自為擊平之始置護羌校尉羌乃  
去湟中依西海鹽池

漢匈河將軍虜樓蘭王

表元封元年趙破奴以匈河將軍擊樓蘭封浞野侯  
大事紀元封元年冬十月遣破奴擊西域虜樓蘭  
車師王解按大宛傳自博望侯開外國道而樓蘭姑

師師即車當空道攻劫漢使王恢等匈奴奇兵時時遮

擊使西國者使者爭言兵弱易擊天子遣從票侯破

奴將屬國騎及郡兵數萬至匈河水欲擊胡胡皆去

通監載於元其明年擊姑師破奴與輕騎七百餘先

至虜樓蘭王遂破姑師中郎將王恢捕得其王因暴

兵威動大宛烏孫之屬於是酒泉列亭鄣至玉門矣

通監據破奴封侯之

漢左將軍苟彘滅朝鮮

傳朝鮮王滿燕人盧綰反滿聚黨千餘人推結夷服  
更沮水居上下障都王唃惠高后時遼東太守約滿

萬曆十六年



外臣至孫右渠誘亡人滋多未嘗入見真番辰國  
 欲上書見天子又雍闕弗通元封二年漢使涉何譙  
 謂右渠不奉詔拜何遼東東部都尉朝鮮襲殺何  
 募罪人擊之秋遣橫船將軍楊僕從齊浮渤海兵  
 五萬荀彘出遼東誅右渠兩將未有利使衛山因兵  
 威往諭右渠見信節請服疑不度沮水三年夏左  
 相參使人殺王右渠來降定為四郡時星弗於河戒

漢拔胡將軍擊昆明

紀元封六年春益州昆明反赦京師亡命令從軍遣  
 拔胡將軍郭昌將呂擊之斬首數十萬

漢貳師將軍誅宛王

漢大初元年秋八月遣貳師將軍李廣利發天下  
 諸民西征大宛四年春貳師將軍廣利斬大宛王首  
 囊汗血馬來作西極天馬之歌劉向曰封拜兩侯三

李廣利傳太初元年發屬國六千騎及郡國惡少

年數萬人伐宛期至貳師城取善馬故號貳師將軍

發浩侯王校使道軍既西過鹽水當道小國各堅城

守不肯給食攻之不能下下者得食不下者數日則

去以至於成士有數千皆飢罷攻郁成城郁成距之

傷甚衆貳師將軍與左右計至郁成尚不能舉

王母寡匿善馬殺漢使今殺王而出  
宛兵迎擊漢兵漢兵敗之宛入保其城攻之四十餘  
云於是貳師復行至輪臺屠之至宛城兵到者三萬  
拜者馬者二人為執驅馬校尉備破宛擇取其善馬  
漢兵迎擊漢兵漢兵敗之宛入保其城攻之四十餘  
云於是貳師復行至輪臺屠之至宛城兵到者三萬  
拜者馬者二人為執驅馬校尉備破宛擇取其善馬  
漢兵迎擊漢兵漢兵敗之宛入保其城攻之四十餘  
云於是貳師復行至輪臺屠之至宛城兵到者三萬  
拜者馬者二人為執驅馬校尉備破宛擇取其善馬

西域傳

善馬漢六官解宛貴人以為然共殺王持其頭出其  
馬令漢自擇之漢軍取其善馬數十匹中馬以下北  
壯三千餘匹而立昧祭為宛王與盟而罷兵終不得  
入中城軍還詔曰匈奴與旁國謀共要絕大月氏使  
遠殺中郎將江故鴈門太守穰危須以西及大宛皆  
合約殺期門車令中郎將朝及身毒國使隔東西道  
言師將軍廣利征討厥罪伐勝大宛賴天之靈從近  
河山涉流沙通西海山雪不積士大夫徑度獲王首  
虜珍怪之物畢陳於闕其封廣利為海西侯伐宛再  
四歲而得罷焉西域傳宛別邑七十餘城多

西域傳

事為張騫始言之上遣使持千金及金馬以請死王  
以絕遠大兵不能至愛寶馬不肯與攻殺漢使取其  
財物於是天子遣貳師將軍李廣利將兵前後十餘  
萬人伐死連四年死人斬其王毋寡首獻馬三千匹  
漢軍乃還貳師既斬宛王更立貴人素遇漢善者名  
昧蔡為宛王 史天官書兵征大宛星勢招搖

漢開陵侯薤以車師王 騎都尉破車師

大事記征和三年夏五月遣開陵侯成婉發樓蘭六  
國兵圍車師獲其王當夜宣紀神爵二年秋九月  
匈奴日逐王先賢揮將兵與萬餘來降使都護西域

騎都尉鄭吉迎日逐王車師皆封侯 西域傳武帝

天漢二年以匈奴降者介和王為開陵侯 表初將

樓蘭兵始擊車師匈奴遣右賢王將數萬騎救之漢

兵不利引去征和四年遣重合侯馬通將四萬騎擊

匈奴道過車師北復遣開陵侯將樓蘭尉初危須凡

六國兵別擊車師勿令得遮重合侯諸國兵共圍車

師車師王降服臣屬 昭帝時匈奴復使四千騎田

車師宣帝即位 本始二年遣五將將兵擊匈奴車師

田者驚去車師復遠以漢匈奴怒召其太子軍宿欲

以質軍宿馬者外孫不欲質匈奴亡走馬者車師

立子烏貴為太子及烏貴立為王與匈奴結婚  
媼教匈奴遮漢道通也孫者地節二年漢遣侍郎  
節吉校尉司馬憲將名刑罪人田渠翟積穀欲以攻  
車師至秋收穀吉憲攻城郭諸國兵高餘人自與所  
將田士千五百人共擊車師攻交河城破之王尚在  
其北石城中未得會軍食蓋吉等且罷兵歸渠翟田  
收秋畢復發兵攻車師王於石城王聞漢兵且至北  
走匈奴求救匈奴未攻兵王來還與貴人蘇猶議欲  
降漢恐不見信猶教工擊匈奴邊國小蒲類斬首略  
其人民以降吉車師立方小金附國隨漢軍後盜車師

王復自請擊破金附匈奴發兵攻車師迺輕騎奔烏  
孫吉迎其妻子傳送詣長安賞賜甚厚每朝會四夷  
常尊顯以示之元康二年立軍宿為王古既破車師  
降日逐威震

漢水衡都尉破西南夷

昭紀始元元年夏益州廉頭姑繒牂柯談指同並二

十四邑三萬餘人皆反注皆西南夷別種遣水衡呂破胡募

文民及發犍為蜀郡犇命往擊大破之四年西南夷

姑繒葉榆復反冬遣大鴻臚田廣明擊之五年秋廣

明及單正王平斬首捕虜三萬餘人獲蓄產五萬餘

六年詔以鉤町侯毋波率君長人民擊反者有功立  
爲鉤町王。

漢張掖屬國都尉破匈奴犁汗王

匈奴傳元鳳三年春正月壺衍鞬單于使犁汗王窺  
邊言酒泉張掖兵弱出兵試擊冀復得其地漢先得  
降者聞其計詔邊警備後無幾右賢王犁汗王四千  
騎分三隊入日勒屋蘭番和張掖太守屬國都尉發  
兵擊大破之得脫者數百人屬國千長義渠王騎士  
射殺犁汗王因封爲犁汗王屬國都尉郭忠封成安  
侯二月癸丑封自是匈奴不敢入張掖。

兵捷漢

漢平樂監誅樓蘭

昭紀元鳳四年夏四月詔平樂監傅介子持節使誅  
斬樓蘭王安歸首垂北闕七月乙巳封義陽侯

傳

介子傳使大宛還謂大將軍霍光曰樓蘭龜茲數反  
覆而不誅無所懲艾介子過龜茲時其王近人易得  
也願往刺之以威示諸國大將軍曰龜茲道遠且驗  
之於樓蘭於是白遣之介子與士卒俱齎金幣揚言  
以賜外國爲名至樓蘭王意不親介子介子陽引去  
至其西界使譯謂曰漢使者持黃金錦繡行賜諸國  
三不來受我去之西國矣即出金幣以示譯譯還報

王貪漢物來見使者介子與飲坐陳物示之王起入帳中屏語壯士二人從後刺之刃交匈立死介子論告以王負漢罪天子遣我來誅王當立更立前太子質在漢者西域傳立王弟尉屠者為王漢兵方至母敢動動則滅國矣遂持王首還詣闕公卿將軍議者咸嘉其功上乃下詔曰樓蘭王安歸常為匈奴間候遮漢使者發民殺掠衛司馬安樂光祿大夫忠期門郎遂成等三輩及安息大宛使盜取節印獻物甚逆天理介子斬安歸首垂北闕以直報怨不煩師衆封介子義陽侯食邑七百五十九戶刺王者皆補侍郎

西域傳

兵捷漢

樓蘭治杆尼城去陽關千六百里為匈奴反間數遮殺漢使其弟尉屠耆降漢言狀元鳳四年霍光白遣介子往刺遂斬其王嘗歸首馳傳詣闕立尉屠耆為王更名其國為鄯善

漢校尉入匈奴右地

宣紀本始二年匈奴數侵邊又西伐烏孫秋大發兵調關東輕車銳卒選郡國吏三百石伉健習騎射者田廣明為祁連趙充國為蒲類田順為虎牙及度遼范明友前將軍韓增凡五將軍十五萬騎校尉常惠持節護烏孫兵咸擊匈奴三年正月戊辰五將軍師

發長安夏五月軍罷常惠將烏孫兵入匈奴右地大克獲封列侯。匈奴傳烏孫昆彌上書言連為匈奴所侵削願發國半精兵人馬五萬匹盡力擊匈奴本始二年校尉常惠使護發兵烏孫西域昆彌自將翕侯以下五萬餘騎從西方入與五將軍兵二十餘萬衆惠與烏孫兵至右谷蠡庭獲單于父行及嫂居次名王犁汗都尉千長將以下三萬九千餘級虜馬牛羊驢羸橐駝七十餘萬漢封惠為長羅侯四年四月癸巳封匈奴遂衰耗。

### 漢衛候平莎車

兵捷漢

莎車傳宣帝時烏孫公主小子萬年莎車王愛之莎車王無子死時萬年在漢莎車國人計欲自託於漢又欲得烏孫心即上書請萬年為莎車王漢許之遣使者奚充國送萬年萬年初立暴惡國人不悅莎車王弟呼屠證殺萬年并漢使者自立為王約諸國背漢會衛候馮奉世使送大宛客即以便宜發諸國兵擊殺之更立它昆弟子為莎車王還拜奉世為光祿大夫是歲元康元年也。馮奉世傳本始中從軍擊匈奴軍罷復為郎先是時漢數出使西域多辱命不稱或貪汗為外國所苦是時烏孫大有擊匈奴之功。

而西域諸國新輯漢方善遇欲以安之選可使外國者前將軍韓增舉奉世以衛候使持節送大宛諸國客至伊修城都尉宋將言莎車與旁國共攻殺漢所置莎車王萬年并殺漢使奚充國時匈奴又發兵攻車師城不能下而去莎車遣使揚言北道諸國已屬匈奴矣於是攻劫南道與軟盟叛漢從鄯善以西皆絕不通都護鄭吉校尉司馬意皆在北道諸國間奉世與其副嚴昌計以爲不亟擊之則莎車日強其執難制必危西域遂以節諭告諸國王因發其兵南北道合萬五千人進擊莎車攻拔其城莎車王自殺傳

兵捷漢

其首詣長安諸國悉平威振西域奉世乃更立他昆弟罷兵以聞宣帝召見韓增曰賀將軍所舉得其人奉世遂西至大宛大宛聞其斬莎車王敬之異於他使得其名馬象龍而還

漢後將軍平先零

趙充國傳

兼紀

神爵元年春先零羌反夏四月充國以

後將軍將兵擊之充國計欲以威信招降罕开及却略者解散虜謀徼極乃擊之遂止秋奏罷騎兵留屯田明年五月充國奏羌本可五萬人軍凡斬七千六百餘降三萬一千二百人弱河湟飢死者五六千人



王海者百六十九  
三六六  
七  
秦  
久言遺脫不過四千人。羌靡忘等自詭必得，請罷屯田。充國振旅而還，秋羌共斬大豪首，率四千餘人降。  
詳見屯田類

### 漢右將軍光祿勳平隴西羌

馮奉世傳為右將軍光祿勳。元帝永光二年秋七月，隴西羌多姐旁種反，詔丞相韋元成等議。是時歲比不登，京師穀石二百餘，邊郡四百，關東五百，四方飢饉。朝廷方以為憂，而遭羌變，元成等漠然莫有對者。奉世對曰：「羌虜近在境內，背畔不以時誅，亡以威制。遠蠻臣願帥師討之。」上問用兵之數，對曰：「善兵者役

不再興糧，不三載故天誅亟決。今反虜無慮三萬人，法當倍用六萬人。然羌戎弓矛之兵，耳器不犀利，可用四萬人。一月足以決丞相等以發萬人屯守，且足奉世不可曰：「天下飢饉，土馬羸耗，守戰之備久廢，不簡夷狄有輕邊吏之心，而羌首難。今以萬人分屯數處，見兵少，必不畏懼。有詔益二千人，於是遣奉世將萬二千騎，以將屯為名，典屬國任立護軍都尉韓昌為偏裨，到隴西分屯三處，典屬國為右軍屯白石，護軍都尉為前軍屯臨洮，奉世為中軍屯首陽西極。前軍到降同阪，先遣校尉在前與羌爭地利。又別

遺校尉救民於廣陽谷羌戎盛多皆爲所破殺兩校尉奉世上地形部衆多少之計願益三萬六千人乃足以決事書奏天子大爲發兵六萬餘人拜太常弋陽侯任千秋爲奮武將軍以助焉紀云八月別奉世上言願得其衆不欲煩大將軍上於是以前爲將軍世且責之曰皇帝問將兵右將軍上書言羌虜依深山多徑道不得不多分部遮要害須得後發營士足以決事部分已定執不可復置大將聞之前爲將軍兵少不足自守故發近所騎日夜詣非爲擊也今發三輔河東弘農越騎迹射飲飛轂者羽林孤兒及呼

邀累噉種

降漢者

方急遣且兵凶器也故復遣奮武將

軍何疑焉須奮武將軍到合擊羌虜十月兵畢至隴西十一月並進羌虜大破斬首數千級餘皆走出塞上曰羌虜破散創艾亡逃出塞其罷吏士頗留屯田備要害處明年二月奉世還京師紀三年春西羌平其後錄功拜爵詔曰羌虜桀黠賊害吏民攻隴西府寺燔燒置亭絕道橋甚逆天道奉世前將兵征討斬捕虜首八千餘級鹵馬牛羊以萬數賜爵關內侯裨將校尉三十餘人皆拜

漢使護西域騎都尉誅郅支

羣臣上壽

陳湯傳宣帝時甘露元年呼韓邪單于與郅支單于俱遣子入侍漢兩受之後呼韓邪單于親入稱臣朝見郅支單于怨漢不助已乃困辱漢使者江迺始等初元四年又殺漢使谷吉等自知負漢遂西奔康居建昭二年西域副校尉陳湯因與都護甘延壽謀曰郅支侵陵烏孫大宛常為康居畫計欲降服之如得此二國北擊伊列西取安息南排月氏山離烏弋數年之間城郭諸國危矣遂矯制發西域城郭諸國兵所發十五車師戊巳校尉屯田吏士部勒行陳益置陽威白

兵

虎合騎之校漢兵胡兵合四萬餘人即日引軍分行別為六校其三校從南道踰葱嶺經大宛其三校都護自將發溫宿國從北道入赤谷過烏孫涉康居界前至郅支城都瀨水上離城三里止營傳陳望見單于城上立五采幡幟數百人被甲乘城延壽湯令軍聞鼓音皆薄城下四面圍城各有所守穿塹塞戶鹵楯為前戟弩為後印射城中時康居萬餘騎分為十餘處四面環城亦相與應和平明四面火起吏士喜大呼乘之鉦鼓聲動地康居兵引却漢兵四面推鹵遁並入土城中單于男女百餘人走入內單于被創

死軍候假丞杜勳斬單于首得漢使節二及谷吉等  
所齎帛書諸酋獲以畀得者凡斬闕氏太子名王以  
下千五百一十八級生虜百四十五人降虜千餘人  
於是延壽湯上疏曰天下之大義當混為一昔有唐  
虞今有疆漢呼韓邪已稱北藩唯郅支叛逆未伏其  
辜大夏之西以為疆漢不能臣也臣延壽臣湯將義  
兵行天誅上賴陛下神靈陰陽並應天氣精明陷陳  
克敵斬郅支首及名王以下宜挂頭藁街蠻夷邸間  
以示萬里明犯疆漢者雖遠必誅

**元帝紀**建昭三

年秋使護西域騎都尉甘延壽副校尉陳湯矯發戊

丘捷

已校尉屯田吏士及西域胡兵攻郅支單于冬斬其  
首傳詣京師垂蠻夷邸門四年春正月以誅郅支單  
于告祠宗廟赦天下羣臣上壽置酒以其圖書示後  
宮貴人竟寧元年春正月虜韓邪單于來朝詔曰郅  
支伏辜虜韓邪復修朝賀之禮願保塞傳之無窮邊  
垂長無兵革之事其改元為竟寧夏封延壽列侯湯  
爵關內侯黃金百斤 劉向上疏曰郅支殺使者傷  
威毀重陛下赫然欲誅之意未嘗有忘延壽湯承聖  
指倚神靈總百蠻之君檻城郭之兵出百死入絕域  
遂蹈康居屠五重城牽歙侯之旗斬郅支之首垂旌

萬里之外揚威昆山之西埽谷吉之耻立昭明之功  
萬夷懼伏莫不懼震呼韓邪單于見郅支已誅且喜  
且懼鄉風馳義稽首來賓雖易之折首詩之雷霆不  
能及也 谷永曰湯義勇奮發橫厲烏孫隄集都賴  
報十年之逋誅雪邊吏之宿耻秉鉞席卷喋血萬里  
之外薦功祖廟告類上帝 景育云爲聖漢揚鉤深  
致遠之威討絕域不羈之君係萬里難制之虜下詔  
宣著其功改年垂歷應是南郡獲白虎

漢牂柯太守平西夷 武威將軍平西南夷

兵捷

西南夷傳成帝河平中夜郎王興與鉤町王禹漏卧  
侯俞更舉兵相攻遣太中大夫張康持節和解興等  
不從命刻木象漢吏射之陳立爲牂柯太守諭告夜  
郎王興興不從命迺從吏數十人出行縣至興國且  
同亭興從邑君數十人見立立數責斷頭邑君皆釋  
兵降鉤町漏卧震恐入粟牛羊勞吏士興妻父翁指  
與子邪務收餘兵迫脅二十二邑反立奏募諸夷斬  
之立已平定西夷召詣京師 通監建武十九年西  
南夷棟蠶反殺長吏詔武威將軍劉尚討之路由越  
嶲邛穀王任貴欲襲擊尚尚知之先據邛都掩任貴

誅之二十年尚進兵與棟蠡等連戰皆破之二十一年正月追至不韋斬棟蠡帥西南諸夷悉平二十二年正月南郡蠻叛尚討破之

漢征西大將軍破赤眉

光武紀建武三年閏正月乙巳馮異與赤眉戰嶠底大破之巳亥帝幸宜陽甲辰親勒六軍大陳戎馬赤眉震怖乞降丙子面縛奉高帝璽綬更始元年十月赤眉樊崇降既而亡歸二年冬西攻長安蕭王壽拜前將軍分兵二萬遣西入關建武元年六月赤眉

立盆子九月入長安二年禹軍昆明池九月禹兵敗

赤眉延岑暴亂三輔志欲擄武按遣偏將軍馮異代

禹討之車駕送至河南救曰元元塗炭無依今之征

伐非必略地屠城要在平定安集之耳異布威信羣

盜皆降又詔鄧禹還曰以飽待饑逸待勞折箠誓之

遣破姦將軍侯進等屯新安建義大將軍耿弇屯宜

陽異與赤眉遇華陰相距六十餘日戰數十降將卒

五千餘三年春正月甲子拜異征西大將軍禹要異

共攻大敗異走回谿阪堅壁自守閏月集諸營數萬

人約期會戰使壯士變服伏道側旦日賊萬人攻異

大戰日吳賊氣衰伏兵卒起衣服相亂衆驚潰退寧  
大破於峭底降男女八萬人餘衆尚十餘萬東走宜  
陽降國書於吳曰始雖垂翅回竊終能奮翼過池  
崔駟賊搃狼孤豈參伐

漢大司馬平山東

見獻功類

漢中郎將平隴右

紀建武十年冬十月中郎將來歙等大破隗純於落  
門純與周宗降隴右平 初建武元年十二月隗囂  
自攝西州上將軍三年十二月帝謂太中大夫來歙

日云云歙曰臣嘗與醜遇長安其始起以漢爲名願  
奉威命開以丹青之信必束手自歸帝令歙使囂乃  
奉奏四年冬十月使馬援奉書洛陽十二月遣兵佐  
馮異有功帝報以手書五年十二月使臨擊蜀效信  
囂不可帝知其持兩端稍黜其禮援歙奉使往來勸  
令入朝許以重爵復遣歙說乃遣子恂詣闕王元不  
願專心內事囂然其計六年三月帝謀討之四月丙  
子遣耿弇等七將軍從隴道伐蜀先使歙奉璽書諭  
囂五月遂發兵反使王元據隴坻伐木塞道遂稱臣  
於述七年二月述立囂爲朔寧王秋歙以書招王遵

王海卷百八十九  
四頁八  
才  
遵降八年春歙將二千餘人伐山開道從番須回中入略陽斬守將金梁蹕驚曰何神也閏四月帝自將征囂召馬援問之援聚米爲山谷指畫形勢帝曰虜在吾目中矣明日進軍竇融率步騎與軍會數道上隴使王遵以書諭牛邯於是囂大將十三人屬縣十六衆十餘萬皆降囂奔新城帝勞賜歙班坐絕席在諸將右進幸上邽詔囂束手自詣終不降乃誅其質子使吳漢岑彭圍西城耿弇蓋延圍上邽十一月王元等將蜀救兵五千人入城迎囂歸安定比地天水隴西復反九年春囂卒立少子純帝使馮異擊之六

月歙監護諸將屯長安太中大夫馬援副之詔於汧積穀六萬斛八月歙率異等五將軍討純於天水十年夏異斬述將田弇等共攻落門高峻降於寇恂冬十月歙與弇延等攻破落門周宗行循苟宇趙恢等將隗純降王元奔蜀

### 漢隴西太守破先零

通監建武十年冬十月先零羌與諸種寇金城隴西來歙率蓋延等進擊大破之斬首虜數千人十一年夏寇臨洮歙薦馬援爲隴西太守擊先零大破之冬十月諸種數萬人寇鈔拒浩疊隘援深入討擊大破



之徒降羌置天水隴西扶風又招撫塞外氏羌皆降  
附奏復其侯王君長十二年參狼羌與諸種寇武都  
援擊破之降者萬餘人隴右清靜

漢大司馬平蜀

紀建武十一年春征南大將軍岑彭率舟師伐公孫  
述平巴郡十二月大司馬吳漢率舟師伐述十二年  
十一月戊寅吳漢滅宮與述戰大破之述死辛巳漢  
夷述宗族及延岑等十三年夏四月漢自蜀還京師  
大饗將士班勞策勲初公孫述爲導江卒正更始  
元年殺宗成并其衆二年四月自立爲蜀王都成都

建武元年四月僭帝號成家二年二月延岑據漢中  
四年十二月述遣李育屯陳倉馮異大破之五年二  
月岑彭拔夷陵六年春帝與書曰以掌文爲瑞玉莽  
何足效乎三月使田戎出江關欲取荊州四月丙子  
遣耿弇蓋延等七將軍從隴道伐蜀九年春述遣數  
萬人下江關拔巫及夷道夷陵據荊門虎牙橫江水  
十一年三月岑彭屯津鄉攻田戎等不克帝遣吳漢  
率誅虜將軍劉隆等三將發荊州兵六萬餘人騎五  
千匹與彭會荊門閏月彭率諸郡棹卒並進斬任滿  
獲程汎田戎走江州彭率輔威將軍臧宮驍騎將軍

王法卷百八  
二四  
四百〇  
劉歆入江關吳漢留夷陵裝露橈繼進六月來歆克  
下辨述遣人刺歆秋彭至武陽繞出延岑軍後述大  
驚以杖擊地曰是何神也岑盛兵沅水臧宮大破之  
衆降十月述使客刺彭十二月吳漢自夷陵將三萬  
人泝江而上伐述十二年正月破述將於魚涪津圍  
武陽入捷爲拔廣都遣輕騎燒成都市橋詔諭述終不  
降七月馮駿拔江州獲田戎九月漢夜銜枚與劉尚  
合大破謝豐等斬之漢與述戰廣都成都之間入戰  
八克遂軍于郭中臧宮拔縣竹破涪城拔繁郫與漢  
會成都十一月臧宮軍咸陽門戊寅述自將數萬人

攻漢漢使護軍高午唐邯將銳卒數萬擊之述兵大  
亂高午奔陳刺述洞胸墮馬其夜死明日延岑降辛  
巳漢盡滅公孫氏十三年三月振旅而還四月至京  
師

漢遼東太守破鮮卑

祭彤傳匈奴鮮卑及赤山烏巨疆盛入塞殺略建武  
十七年拜彤遼東守厲兵馬廣斥候數破走之二十  
一年秋鮮卑萬餘騎寇遼東彤率數千人迎塞虜大  
奔窮追斬三千餘級獲馬數千震怖不復闖塞二十  
五年大都護偏何奉獻初赤山烏巨數犯上谷彤遣

三  
偏何討之永平元年偏何擊破赤山斬卷帥持首詩  
形塞外震虜西自武威東盡元菟及胡夷皆內附乃  
悉罷緣邊屯兵

漢伏波將軍平交趾

絕建武十八年四月癸酉遣伏波將軍馬援樓船將  
軍段志等擊交趾賊十九年四月援破交趾 傳交  
趾女子證側證貳反米應九真日南合浦蠻里應之  
略六十五城自立為王璽書拜援以劉隆為副督樓  
船緣海而進隨山刊道千餘里十八年春至浪船上  
與賊戰破之斬數千級降萬餘人明年正月降側貳

傳首京師復將樓船大小二千艘戰士二萬餘人擊  
餘黨九真賊都羊等斬獲五千餘人嶠南悉平徙其  
三百餘口於零陵 廣州記曰援到交趾立銅柱  
駱越奉行馬將軍故事 下潦上霧仰視飛鸞跼跼  
中 墮水 二十年秋振旅還京師

漢將兵長史破安定屬國胡

紀建武二十一年四月安定屬國胡叛屯聚青山今  
州烏嶺遣將兵長史陳訢討平之

漢奉車都尉破呼衍王 破白山虜 定

車師

紀永平十六年春二月遣太僕祭彤出高闕奉車都

尉竇固出酒泉駙馬都尉耿秉出居延騎都尉來苗  
 出平城伐北匈奴竇固破呼衍王於天山留兵屯伊  
 吾盧城十七年冬十一月遣奉車都尉竇固駙馬都  
 尉耿秉騎都尉劉張出燉煌昆侖塞擊破白山虜於  
 蒲類海上遂入車都西河舊事曰白山冬夏有雪故曰白山匈奴謂之天山  
 竇固傳顯宗欲遵武帝故事擊匈奴通西域以固明  
 習邊事十六年固與騎都尉耿忠率酒泉燉煌張掖  
 甲卒及盧水羌胡萬二千騎出酒泉塞耿秉秦彭率  
 武威隴西天水募士及羌胡萬騎出居延塞又太僕  
 祭彤度遼將軍吳棠將河東北地西河羌胡及南單

兵捷

漢

于兵萬一千騎出高闕塞騎都尉來苗護烏亘校尉  
 文穆將太原鴈門代郡上谷漁陽右北平定襄郡兵  
 及烏亘鮮卑萬一千騎出平城塞固忠至天山擊呼  
 衍王斬首千餘級呼衍王走追至蒲類海留吏士屯  
 伊吾盧城耿秉秦彭絕漠六百餘里至三木樓山明  
 年復出玉門擊西域遂破白山降車師 秉張皆屬  
 固合兵萬四千騎破白山進擊車師秉以為先赴後  
 王并力根本則前王自服乃引兵北入衆軍並進斬  
 首數千後王安得震怖降前王亦歸命遂定車師而  
 還十八年二月罷兵

漢西域長史斬疏勒王

章紀元和三年是歲西域長史班超擊斬疏勒王

通監

在九月

班超傳時龜茲王建為匈奴所立倚恃虜威

據有北道攻破疏勒殺其王而立龜茲人兜題為疏

勒王明年春

永平七年

超從間道至疏勒去兜題所居

槃橐城九十里逆遣吏田慮先往降之兜題無降意

慮因其無備遂前劫縛兜題馳報超超即赴之召疏

勒將吏說以龜茲無道之狀因立其故王兄子忠為

王國人大悅疏勒由是與龜茲結怨建初八年

拜超為將兵長史假鼓吹幢麾以徐幹為軍司馬明

年元和元年復遣假司馬和恭等四人將兵八百詣

超超因發疏勒于寘兵擊莎車莎車陰通使疏勒王

忠忠遂反從之西保烏即城超更立其府丞成大為

疏勒王積半歲康居遣兵救之超不能下超使使齎

錦帛遺月氏王令曉示康居王康居王乃罷兵執忠

以歸烏即城遂降後三年九忠詐降於超超勒兵待

之為供帳設樂酒行叱吏縛忠斬之因擊破其眾南

道遂通

漢西域長史擊破莎車

章紀章和元年是歲西域長史班超擊莎車大破之

曆十六年

二

知

班超傳是年超發于寘諸國兵二萬五千人復擊莎車而龜茲王遣左將軍發溫宿姑墨尉頭合五萬人救之超召將校及于寘王議曰今兵少不敵其勢莫若各散去龜茲王聞之大喜自以萬騎於西界遮超溫宿王將八千騎於東界徼超密召諸部勒兵雞鳴馳赴莎車營胡大驚亂追斬五千餘級大獲其馬畜財物莎車遂降龜茲等因各退散威震西域

漢車騎將軍破北單于

見紀功燕然山 詔曰役不再籍萬里清蕩  
漢大將軍破北單于金微山

和紀永元二年二月大將軍竇憲遣左校尉耿种出

居延塞圍北單于於金微山大破之獲其母閼氏

竇憲傳元年憲遣軍司馬吳汜梁諷奉金帛遺北單

于說令修呼韓故事遣弟奉貢入侍憲以單于不身

到奏還之二年五月遣副校尉閼鞮掩擊北虜之守

伊吾者復取其地九月北單于遣車儲王等款居延

塞欲入朝見十月憲遣中護軍班固行中即將與司

馬梁諷迎之會南單于襲圍之北單于被創走固至

私渠海而還憲以北虜微弱欲遂滅之明年二月復

遣夔及司馬任尚等將兵擊於金微山大破之獲五

千餘級出塞五千餘里而還自漢出師所未嘗至

漢西域都獲破焉耆尉犁

和紀永元六年班超大破焉耆尉犁斬其王自是西域降服納質者五十餘國  
班超傳建初三年五月超上疏欲伐龜茲焉耆平定西域薦勲祖廟奉萬年之觴布大喜於天下書奏帝知其功可成永元三年十月龜茲姑墨溫宿皆降十二月以超為都護徐幹為長史西域唯焉耆危須尉犁以前殺都護懷二心其餘悉定永平末焉耆與龜茲共攻六年秋七月超沒都護陳睦副校尉郭均遂發龜茲鄯善等八國兵合十萬人及吏士賈客千

兵捷

四百人討焉耆兵到尉犁而遣說焉耆尉犁危須三

國曰都護來欲鎮撫三國耳焉耆王廣與大人迎超

於尉犁奉獻珍物焉耆國有葦橋之險廣乃絕橋不

欲令漢軍入國超更從他道厲度七月晦到焉耆去

城二十里止營大澤中廣出不意於是焉耆王廣尉

犁王汎及北鞬支等三十人相率詣超其國相腹久

等懼誅皆亡入海而危須王亦不至坐定超怒詰廣

曰危須王何故不到腹久等何緣逃亡遂叱吏士收

廣汎等於陳睦故城斬之傳首京師縱兵抄掠斬首

五千餘級獲生口萬五千人馬畜牛羊三十餘萬頭

清丁巳年 五母卷二十一 益生 丙

更立左侯元孟為焉耆王且留半歲鎮撫之於是西域五十餘國皆納質內屬海濱四萬里外皆重譯貢獻贊曰坦步葱雪咫尺龍沙

西域傳斬焉耆尉犁

二王首傳送京師垂蠻夷邸

漢度遼將軍破南匈奴

通監安帝永初三年六月漢人韓琮說南單于反九月圍中即將耿种於美稷十一月以何熙行車騎將軍軍事中即將龐雄為副將五營及邊郡兵遼東守耿夔率鮮卑及諸郡兵共擊之以梁懂行度遼將軍事惟夔擊奧鞬日逐王破之四年正月懂夔斬其別將

捷漢

于屬國故城單于自將迎戰懂等復破之單于還虎

澤二月寇常山三月雄懂种將步騎萬六千人攻虎

澤單于大怖遣使乞降

見耿夔梁懂傳

順帝建康元年四月

使匈奴中郎將馬寔擊南匈奴左部破之

見本紀

威帝

永壽元年秋南匈奴左奠鞬臺耆且渠伯德等反寇

美稷東羌舉種應之安定屬國都尉張奐勒壁中二

百人進屯長城遣將誘東羌因據龜茲縣使南匈奴不

得交通東羌諸豪與奐共擊奠鞬等破之伯德降延

熹元年十二月南匈奴諸郡叛寇緣邊九郡拜奐北

中郎將討匈奴烏旦等匈奴燒度遼將軍門奐安坐



講誦潛誘烏巨使斬匈奴屠各渠帥襲破其衆諸胡悉降見張奐南匈奴傳

漢西域長史斬車師後王 平車師六國

安紀延光四年七月西域長史班勇擊車師後王斬之 班勇傳 四年秋勇發燉煌張掖酒泉六千騎及鄯善疏勒車師前部兵擊後部王軍就大破之捕得軍就及匈奴持節使者斬之傳首京師永建元年十月更立後部故王子加特奴為王勇又使別校誅斬東且彌王亦更立其種人為王於是車師六國悉平先是元初六年燉煌太守曹宗遣長史索班將千

兵捷

漢

餘人屯伊吾車師前王及鄯善王皆來降後數年永寧

元年北單于與車師後部共攻沒班進擊走前王略

有北道鄯善王求救於曹宗宗請出兵五千人擊匈奴

報索班之恥因復取西域鄧太后召勇詣朝堂會

議勇上議復燉煌營兵三百人復西域副校尉居燉

煌如永元故事先是永初元年六月遣長史將五百人

屯樓蘭西當焉耆龜茲徑路南疆鄯善于闐心膽北

扞匈奴東近敦煌於是從勇議延光二年夏復以勇

為西域長史將兵五百人出屯柳中三年正月至樓

蘭以鄯善歸附特加三綬而龜茲王白英猶自疑勇

島曆百十六年

三母天行八

三三

監生 應責

開以恩信乃率姑墨温宿自縛詣勇因發步騎萬餘人到車師前王庭擊走匈奴伊蠡王於伊和谷收前部五千餘人云云見上文遂發諸國兵擊走匈奴呼衍王北單于自將萬餘騎且金且谷勇使假司馬曹俊追斬骨都侯於是車師無復虜跡

漢護羌校尉平西羌東羌

段紀明傳威帝延熹二年遷護羌校尉十二月燒當燒何當前等八種羌寇隴西金城塞紀明出湟谷擊破之追斬二千級三年閏正月餘羌復寇張掖大戰虜退追之晝夜相攻四十餘日至積石山出塞二千

兵建漢一

餘里斬燒何大帥降其餘衆十一月勒姐零吾圍允街又破之六年十二月羌益熾復以紀明為校尉七年將萬餘人破當前八年正月破罕姐五月擊勒姐進擊當前於湟中潛師夜出大破之斬二萬三千級獲數萬人降萬餘落西羌弭定都東羌先零等自覆沒馬賢後數寇三輔既降又叛紀明上言曰所餘三萬餘落近居塞內不誅滋大若以騎五千步萬人車三千兩三冬二夏足以破定許之永康元年正月紀明擊破之靈帝建寧元年二月將兵萬餘人從彭陽直指高平與先零諸種戰令軍中長鑱利刃長矛

清丁巳年

五海卷百八十九

三十一

蓋生 兩列

三重挾以強弩列輕騎為左右翼擊虜大潰斬首八千餘級拜破羌將軍六月將輕兵追羌出橋門又戰靈武谷羌大敗餘寇四千落散入漢陽山谷張奐言宜以恩降紀明言昔先零作寇趙充國徙令居內當煎亂邊馬援遷之三輔始服終叛至今為鯁臣奉大漢之威建長久之策欲絕其本根二年七月羌東奔射虎谷紀明規一舉滅之乃結木為柵遮之分遣田晏夏育等將七千人銜枚夜上西山結營穿塹張愷將三千人上東山縱兵奮擊破之斬渠帥以下萬九千級馮禪等招降四千人分置安定漢陽隴西東羌

漢

悉平凡百八十戰斬三萬八千餘級更封新豐侯先是

永寧元年六月護羌校尉馬賢將萬人討沈氏羌於張掖破之斬千八百級獲千餘人陽嘉三年七月鍾羌良封等寇隴西漢陽十月校尉馬續破之延熹四年冬皇甫規為中郎將持節監關西兵討零吾等十一月規擊羌破之斬八百級先零諸種降者十餘萬

漢丞相益州牧諸葛亮平南中四郡

諸葛亮傳建興元年南中諸郡叛三年春亮率眾南征至南中所在戰捷生致孟獲縱使更戰七縱七擒獲曰公天威也南人不復反矣遂至滇池其秋南中

平。蜀志後主三年三月亮南征四郡四郡皆平。七月由越雋入斬雍闓。

漢右將軍行丞相事平武都陰平二郡

諸葛亮傳建興七年亮遣陳戒攻武都陰平魏雍州刺史郭淮率眾欲擊戒亮自出至建威淮退還遂平二郡詔策曰前年燿師馘斬王雙今歲爰征郭淮遁走降集氏羌興復二郡七年春亮定二郡

魏太尉平海東諸郡

魏志景初元年七月爾書召公孫淵淵發兵反幽州刺史毋丘儉進軍討之會遼水漲引軍還二年正月

兵捷

詔太尉司馬宣王帥眾討遼東八月丙寅圍淵於襄平大破之傳首京都海東諸郡平

魏征西將軍平巴蜀

魏志景元四年五月詔鄧艾帥諸軍趣甘松沓中雍州刺史諸葛緒督諸軍趣武都鎮西將軍鍾會由駱谷伐蜀十一月劉禪降巴蜀皆平

吳前部都督周瑜破曹操

通鑑

吳志周瑜傳

漢建安十三年冬曹操既降劉琮於南

郡自江陵將順江東下遺孫權書曰近者奉辭伐罪劉琮束手今治水軍八十萬眾方與將軍會獵於吳

羣下莫不響震失色。張昭等咸勸迎之。獨魯肅特異。因請召周瑜與計事。瑜謂操捨鞍馬杖舟楫。與吳越爭衡。又今盛寒。馬無藁草。驅中國士眾遠涉江湖。不習水土。必生疾病。此數者用兵之患。而操皆冒行之。必成擒矣。請以精兵數萬人破之於夏口。且云操書稱水步八十萬人。以實校之。彼將中國人。不過十五六萬。且已久疲。所得表眾亦極七八萬耳。尚懷狐疑。夫以疲病之卒。狐疑之眾。數雖多。甚未足畏。願將軍勿慮。權乃命周瑜程普為左右督。將兵與劉備并力。逆操。以魯肅為贊軍校尉。助畫方略。備在鄂縣之樊。

兵捷

口見瑜等甚喜。進與操遇於赤壁。操軍一戰不利。即引次江北。瑜等在南岸。部將黃蓋曰。今寇眾我寡。難與持久。操軍方連船艦。首尾相接。可燒而走也。乃取蒙衝鬪艦十艘。載燥荻枯柴灌油。其中裹以帷幕。上建旌旗。預備走舸於其尾。先以書遺操。詐云欲降。時東風急。蓋以十艦最著前。中江舉帆。餘船以次俱進。操軍吏士皆出營立觀。指言蓋降。去北軍二里餘。同時發火。火烈風猛。船往如箭。燒盡北船。延及岸上營落。頃之。煙炎張天。人馬燒溺死者甚眾。瑜等率輕騎繼其後。雷鼓大進。北軍大壞。操引軍從華容道走。尋

又破曹仁兵於夷陵將士形勢百倍其後以瑜領南郡屯江陵

吳撫越將軍領丹楊太守平山越

諸葛恪傳丹楊山險民多果勁升山赴險抵突叢棘若魚之走淵後狄之騰木戰則蠶至敗則鳥竄自前世以來不能羈恪移書四部明立部伍分諸將羅兵幽阻候稼熟芟刈使無遺種山民饑窮漸出降老幼相携而出恪自領萬人餘分給諸將權勞其功遣薛綜勞軍曰山越恃阻不賓歷世緩則首鼠急則狼顧神策內授武師外震兵不染鍔甲不沾汗蕩滌山藪

吳撫

野無遺寇藜藿穰莠化為善草題題更成虎士雖詩美執訊易嘉折首周之方召漢之衛霍豈足

談

王海卷第一百八十九

三十一卷

